

四庫全書薈要

• 乾隆御覽本

經部

欽定四庫全書薈要

經部

左傳注疏卷四十五



詳校官原任侍講王燕緒

春秋左傳注疏卷四十五

起昭公九年
盡十二年

晉杜氏注

唐陸德明音義

孔穎達疏

經九年春叔弓會楚子于陳注以事往非行會禮疏

注

此與宣十五年公孫歸父會楚子于宋其事同也

楚子在彼魯敬大國自往會之非楚子召使會自以小國事大國之禮往

許遷于夷注許畏鄭欲遷故以自遷為文疏

注正義曰許自楚莊

王以來世屬於楚常與鄭為仇敵今畏鄭欲遷都近楚楚從其意而遷之故以許自遷為文若許不欲遷而楚

強遷之則當云楚人遷許
如宋人遷宿齊人遷陽

夏四月陳災注天火曰災陳既已滅降為楚縣而書陳

災者猶晉之梁山沙鹿崩不書晉災害繫於所災所害

故以所在為名疏

注正義曰天火曰災宣十六年傳例也公羊穀梁經皆作陳火公羊傳曰

陳已滅矣其言陳火何存陳也穀梁傳曰國曰災邑曰火火不志此何以志問陳而存之也賈服取彼為說言

愍陳不與楚故存陳而書之言陳尚為國也杜以左氏

無此義故辨而異之云陳既已滅降為楚縣不言楚陳

災而直書陳災者猶晉之梁山沙鹿崩不書晉也以彼

不繫晉知法自不當繫楚非是存陳如舊國也凡災害

所及繫於所災所害之處故以所在為名不復繫其本

國大都以名通例不繫國陳是楚之大都無緣當繫於

楚二傳妄說故杜不從所災所害者所災謂陳災是也
所害謂梁山沙鹿崩是也然災害繫於所災所害而宣
十六年不直云宣榭火而以宣榭繫成周者以宣榭
其名不顯若不繫成周不知何處宣榭與此別也

秋仲孫矍如齊音義

矍俱縛反

冬築郎囿音義

囿音又苑也於郎地築苑

傳九年春叔弓宋華亥鄭游吉衛趙厲會楚子于陳

注楚子在陳故四國大夫往非盟主所召不行會禮

故不總書音義

厲於疏注正義曰往年楚公子棄疾減反帥師圍陳楚子不親行也既

滅陳以為縣楚子自往巡行鎮撫之魯宋鄭衛聞其
在陳畏威加敬各遣大夫往彼會之非是盟主所召

至亦不行會禮故魯史獨書已使不復總書諸國也
傳因叔弓所見故歷序四國大夫以見諸國皆行非
獨魯也十年叔孫婁如晉葬晉平公傳因歷序諸國
大夫此意與彼同也服虔以為此會宋鄭衛之大夫
不書叔弓後也服見文七年公會諸侯晉大夫盟于
扈傳歷序諸國乃云公後至故不書所會凡會諸侯
不書所會後也後至不書其國辟不敏也服意準彼
為義故云叔弓後耳彼為盟主所召故諱後期此則
楚非盟主何以當諱春秋之意豈欲魯棄晉而從楚
乃為之諱其會楚遲也且彼不書所會乃總書諸侯
此若是會經何以不總書叔弓會諸侯之大夫傳何
以不言叔弓會楚子宋華亥鄭游吉衛趙釐于陳也
今傳以四國大夫共會楚子義非扈類足以可明且
叔弓若後傳當言之傳不言後而服以為後是欲代
丘明為傳非解之也故杜顯而異○二月庚申楚公
之言不行會禮故不總書見此意

子棄疾遷許于夷實城父注此時改城父為夷故傳

實之城父縣屬譙郡疏

注正義曰杜以地名經傳不

改易也傳不言實則以為二名竝存也所言實者皆舉舊以實新此地舊名城父此時新改為夷然言城父是舊名故傳以實名之凡有二義經書未改之名傳以所改實名之則昭十八年許遷于白羽傳云許遷於析實白羽定十年公會齊侯于夾谷傳云會于祝其實夾谷是也若經書已改之名則傳亦舉其已改實其未改之號即此許遷于夷傳云遷許于夷實城父定十三年齊侯衛侯次于垂葭傳云次于垂葭實鄆氏是也此四者或經書未改或經書已改傳皆上句舉其已改之名下句實其未改之號凡一地前後二名者非謂經時為未改之名傳時為已改之名乃於經傳以前上世之時已有所改前後之名夫子

集史記而為經丘明采簡牘而作傳史記或書其舊
名者即白羽夾谷是也或史記書其後名者即夷與
重葭是也丘明據簡牘為傳以所改後名而實之故
僖二十五年秦取析矣襄二十六年聲子云析公之
亂皆舉白羽改為析止謂簡牘之時非丘明作傳時也若
時白羽改為析止謂簡牘之時非丘明作傳時也若
其不然孔子脩經丘明作傳事相連接時日不遠豈
可脩經時為白羽作傳即改為析故杜云此四者皆
為所在之地舊名絕於當時史記有遺者也劉炫不
審思杜意怪僖公襄公之世已有析名而規杜氏非
也

取州來淮北之田以益之注益許田疏

正義曰釋例云州來

淮南下蔡縣汝水之南地淮北之田淮水北田則州
來邑在淮南邑民有田在淮北也許國盡遷于夷夷

田少故取以益之

伍舉授許男田然丹遷城父人於陳以夷

濮西田益之注以夷田在濮水西者與城父人音義

濮音遷方城外人於許注成十五年許遷於葉因謂

之許今許遷於夷故以方城外人實其處傳言靈王

使民不安音義

葉始涉反處昌慮反

○周甘人與晉閻嘉爭閻

田注甘人甘大夫襄也閻嘉晉閻縣大夫音義

閻以廉反

疏注正義曰孔子父叔梁紇為鄒邑之長論語謂孔

子為鄒人之子是典邑大夫法當以邑名冠之而

稱人知此甘人即是下文甘大夫襄也甘人是甘縣

大夫知閻嘉是晉之閻縣大夫名嘉也甘閻接竟田

或相侵故

晉梁丙張趯率陰戎伐潁注陰戎陸渾之

共爭之

戎潁周邑音義

趙他歷反

王使詹桓伯辭於晉注辭責讓

之桓伯周大夫音義

詹之廉反

曰我自夏以后稷魏駘芮

岐畢吾西土也注在夏世以后稷功受此五國為西

土之長駘在始平武功縣所治釐城岐在扶風美陽

縣西北音義

夏戶雅反注同駘他來反依字應作郃芮如銳反岐其宜反長丁丈反下師長

同治直吏反釐本又作釐他來反又音來一音力之反

疏注正義曰周語云昔我先王不窋用失其官

虞夏及夏之衰也棄稷弗務我先王不窋用失其官業本紀不窋是后稷之子繼其父業世為大國故受

此五國為西土之長也釋例土地名云魏河東河北縣也芮馮翊臨晉縣芮鄉是也畢在京兆長安縣西

北駘在武功岐在美陽今案其地尚在魏之西南百餘里耳岐在駘之西北無百里也詩稱后稷封邠與岐畢相近為之長可矣計魏在邠東六百餘里而令邠國與魏為長道路太遙公劉居豳又在岐西北四百餘里此傳極言遠竟而辭不及豳竝不知其故

及武王克商蒲姑商奄吾

東土也注樂安博昌縣北有蒲姑城音義

蒲如字又音薄奄於

檢反樂疏正義曰武王克商光有天下外薄四海皆音洛疏為周地上文既言西土故以下唯說三方

其實西方所至過於上文自岐以西猶是周竟但不復重言之耳服虔云蒲姑商奄濱東海者也蒲姑齊也商奄魯也二十年傳曰蒲姑氏因之巴濮楚鄧吾定四年傳曰因商奄之民命以伯禽

南土也肅慎燕亳吾北土也注肅慎北夷在玄菟北

三千餘里音義

巴必加反燕於疏正義曰土地名云賢反毫步各反疏巴巴郡江州縣也

楚南郡江陵縣也鄧義陽鄧縣也建寧郡南有濮夷地然則巴楚鄧中夏之國唯濮為遠夷耳土地名又云燕國薊縣也毫是小國闕不知所在蓋與燕相近亦是中國也唯肅慎為遠夷注正義曰書序云成王既伐東夷肅慎來賀魯語云武王克商肅慎氏貢矢韋昭云肅慎東北夷之國去扶餘千里晉之玄菟即在遼東北杜言玄菟北三千里是北夷之近東者故杜言北夷韋言東北夷吾何邇封之

有注邇近也疏

正義曰言我之封疆何近之有邇近也

文武成康之建

母弟以蕃屏周亦其廢隊是為注為後世廢隊兄弟

之國當救濟之音義

蕃方元反屏必并反隊直疏正義類反注同為于偽反注同疏義

曰傳稱號仲號叔王季之穆是文王母弟也管蔡郕霍魯衛毛聃史記以為武王之母弟也唐叔成王之母弟也其康王之母弟則書傳無文文王周之始王故言文王文王未得封諸侯也弟以同母為親故言母弟耳所封非同母者亦多矣建為國君所以為藩籬屏蔽周室使與天子蔽鄣患難亦其慮後世子孫或有廢隊王命望諸侯共救濟之是為此也

豈如弁髦而因以敝之注童

子垂髦始冠必三加冠成禮而棄其始冠故言弁髦

因以敝之音義

弁皮彥反本又作卞疏正義曰豈如

之者弁謂緇布冠髦謂童子垂髦凡加冠之禮先用緇布之冠歛括垂髦三加之後去緇布之冠不復更用故云因以敝之今王自比豈得將王室如緇布冠加髦之後不須復用因以敝之猶言以我王家封建

晉國之後因即棄而不事之也注正義曰案禮未髻之時必垂髦故云童子垂髦也士冠禮始冠緇布冠
次加皮弁次加爵弁是始冠必三加冠也其記冠義云始冠緇布之冠冠而敝之可也玉藻亦云始冠緇布冠自諸侯下達冠而敝可也鄭玄云本太古耳非
時王之法服也是言本古而暫冠既加而即棄是禮
成而棄其始冠故云弁髦而因以敝之也弁有爵弁
皮弁嫌緇布之冠不得名弁故云弁亦冠也周禮弁
師掌冕是弁為大名也劉炫以為弁髦二物以童子
垂髦為髦彼兩髦又云因以敝之者謂親沒不髦案
禮加冠以後親沒以前身既成人猶自垂髦何得云
童子垂髦髦既親沒乃棄杜注何以不言親沒也若
三加之後棄弁不棄髦杜注何得云棄其始冠故言
弁髦因以敝之既連髦而言明非親沒之髦也髦之
形像鄭注士先王居禱杙于四裔以禦螭魅注言禱喪禮云未聞

机畧舉四凶之一下言四裔則三苗在其中音義徒

刀反机五忽反裔以制反禦魚呂疏注正義曰文十

反螭勅知反魅本又作魑武冀反疏八年傳稱舜臣

堯流四凶族渾敦窮奇檣机饕餮投諸四裔以禦螭

魅先儒皆以為渾敦驩兜也窮奇共工也檣机鯀也

饕餮三苗也此傳以晉率陰戎伐潁止須言饕餮耳

而云檣机者畧舉四凶之一耳下言四裔則三苗在

其中可知也若直說鯀當言居故允姓之姦居于瓜

檣机于羽山不須言四裔也

州注允姓陰戎之祖與三苗俱放三危者瓜州今敦

煌音義姦古顏反瓜古華反疏注正義曰此言主責

敦都門反煌音皇疏陰戎知允姓陰戎之

祖也言允姓之姦者謂其奸邪之人惡言之也尚書

云竄三苗于三危此言允姓居于瓜州時同而人別

知與三苗俱放於三危也伯父惠公歸自秦而誘以來注僖十五

年晉惠公自秦歸二十三年秦晉遷陸渾之戎於伊

川使偁我諸姬入我郊甸則戎焉取之注邑外為郊

郊外為甸言戎取周郊甸之地音義偁彼力反甸徒

又如疏正義曰焉猶何也若不由晉則戎何得取周

字疏之地也注正義曰釋地云邑外謂之郊周禮

載師掌任土之法其叙王畿之內遠近之次自國中

以外有近郊遠郊次甸次稍次縣次都是郊外為甸

也陸渾之戎居伊洛之間是取周郊甸之地

戎有中國誰之咎也注咎在

晉音義咎其后稷封殖天下今戎制之不亦難乎注

九反

后稷脩封疆殖五穀今戎得之唯以畜牧音義

殖時力反

疆居良反畜許入反一音許六反牧音目又音茂

伯父圖之我在伯父猶衣

服之有冠冕木水之有本原民人之有謀主也注民

人謀主宗族之師長疏

正義曰言我周存在於伯父有益如衣服云云

伯父

若裂冠毀冕拔本塞原專棄謀主雖戎狄其何有余

一人注伯父猶然則雖戎狄無所可責晉率陰戎伐

周邑故云然疏

正義曰言伯父我親猶自如此則雖戎狄其何有恩義於我一人既無恩

親侵我亦無可責

叔向謂宣子曰文之伯也豈能改物注言

文公雖霸未能改正朔易服色音義

伯如字又音霸

翼戴天

子而加之以共注翼佐也自文以來世有衰德而暴

滅宗周注宗周天子以宣示其侈諸侯之貳不亦宜

乎且王辭直子其圖之宣子說王有姻喪注外親之

喪音義

說音悅疏

正義曰隱元年傳云士踰月外姻至姻是外親故杜云外親之喪也服虔

云婦之父曰姻王之后喪父於王亦有服義故往弔案妻父為姻雖有此稱王之納后必取諸侯之女后之父母不得身在京師往弔可耳何以得致禭也以致禭言之知是外親之喪耳不知外親喪是誰死

使趙成如周弔且致閭田與禭注禭送死衣音義

禭音

遂贈死
衣服

反潁俘王亦使賓滑執甘大夫襄以說於晉

晉人禮而歸之注賓滑周大夫音義

俘芳夫反滑乎八反又于八反

說如字
又音悅

○夏四月陳災鄭裨竈曰五年陳將復封封

五十二年而遂亡子產問其故對曰陳水屬也注陳

潁頊之後故為水屬音義

復扶又反下疏正義曰陳注復封皆同潁頊之後

潁頊以水德王天下故為水屬也陳是舜後舜是土德不近言土屬而遠繫潁頊為水屬者蓋裨竈知陳

將欲復興須取水為占驗假此以為言耳未必帝王子孫永與所承同德楚之先世嘗為火官即以火為

楚象豈復五行之官後世皆依其行火水妃也注火

乎此皆賢哲有以知之非吾徒所測

畏水故為之妃音義

妃方非反一音配注同

疏

注正義曰陰陽之書有五行妃

合之說甲乙木也丙丁火也戊己土也庚辛金也壬癸水也木克土土克水水克火火克金金克木木畏

金以乙為庚妃也金畏火以辛為丙妃也火畏水以

丁為壬妃也水畏土以癸為戊妃也土畏木以己為

甲妃也杜用此說故云火畏水故為之妃也服虔云

火離也水坎也易卦離為中女坎為中男故火為水

妃

而楚所相也注相治也楚之先祝融為高辛氏火

正主治火事音義

相息亮反注同疏注正義曰相訓助也主

治也二十九年傳曰火正曰祝融顓頊氏有子曰犁

為祝融楚世家云高陽生稱稱生卷章卷章生犁犁

為高辛氏火正甚有功能光融天下帝嚳命曰祝融

共工作亂帝使犁誅之而不盡帝誅犁而以其弟吳

回為後復居火正為祝融回生陸終陸終生子六人六曰季連楚其後也是楚之先為火正治火事今

火出而火陳注火心星也火出於周為五月而以四

月出者以長厯推前年誤置閏疏注正義曰襄九年

七年傳曰火出於周為五月今經書四月陳災傳言

火出而火陳火得以四月出者長厯云閏當在此年

五月後而在前年故火以四月出也長厯以為前年

閏八月則此年四月五日得中氣二十日得五月節

故四月逐楚而建陳也注水得妃而興陳興則楚衰

得火見逐楚而建陳疏注正義曰杜以陳為楚邑楚人

故曰逐楚而建陳疏注正義曰杜以陳為楚邑楚人

建陳當為逐去楚人之在陳者若穿封戌為陳公者

也但豈逐楚國之人於義甚通劉炫乃改逐為遁言

火逃遁去楚而建立陳國而規杜非也妃以五成故曰五年注妃合也

五行各相妃合得五而成故五歲而陳復封為十三

年陳侯吳歸于陳傳音義

妃音配注
妃竝同

疏注正義曰妃
合釋詁文也

易繫辭云天一地二天三地四天五地六天七地八

天九地十天數五地數五五位相得而各有合鄭玄

云天地之氣各有五五行之次一曰水天數也二曰

火地數也三曰木天數也四曰金地數也五曰土天

數也此五者陰無匹陽無耦故又合之地六為天一

匹也天七為地二耦也地八為天三匹也天九為地

四耦也地十為天五匹也二五陰陽各有合然後氣

相得施化行也是言五行各相妃合生數以上皆得

五而成故云五歲五及鶉火而後陳卒亡楚克有之

歲而陳將復封

天之道也故曰五十二年注是歲歲在星紀五歲及

大梁而陳復封自大梁四歲而及鶉火後四周四十

八歲凡五及鶉火五十二年天數以五為紀故五及

鶉火火盛水衰疏

注正義曰如杜所注歲星每年而行一次至昭三十二年則歲星在

寅未至於丑其傳云越得歲而吳伐之故服氏以為

有事于武宮之歲龍度天門謂十五年歲星從申越

未而至于午歷家以周天十二次次別為百四十四分

歲星每年行一百四十五分是歲星行一次外剩行

一分積一百四十四年乃剩行一次故昭十五年得

超一辰今杜氏既無此義而三十二年歲星得在丑

者但歲星之行天之常數超辰之義不言自顯故杜

不注若然楚卒滅陳在哀十七年則歲星當逾鶉火

至鷄尾而云五及鷄火者以顓頊歲在鷄火而滅故
禪竈舉大畧而言云五及鷄火不復細言殘數雖至
鷄尾亦經由鷄火天有五星又大微宮中有五帝坐
又四方中央亦有五是天數以五為紀故五及鷄火
也歲星天之貴神所在之國必昌歲在
鷄火火得歲星之助火漸成而水則衰 ○晉荀勗如

齊逆女注自為逆音義

偽為于反

還六月卒于戲陽注魏

郡內黃縣北有戲陽城音義

戲許宜反

殯于絳未葬晉侯

飲酒樂膳宰屠蒯趨入請佐公使尊注公之使人執

尊酌酒請為之佐音義

樂音洛屠音徒禮記作杜蒯苦怪反使尊如字亦所吏反

許之注公許之而遂酌以飲工注工樂師師曠也音

義

飲於鵠反疏注正義曰禮記檀弓說此事云知悼

工即師曠也外曰女為君耳將司聰也注樂所以聰

耳音義

女音汝疏注正義曰樂以和心聲從耳入故

聰故為君耳將司聰也

辰在子卯謂之疾日注疾惡也紂以甲

子喪桀以乙卯亡故國君以為忌日音義喪息疏注

浪反疏正

義曰訓疾為惡言王者惡此日不以舉吉事也尚書
武成篇云時甲子昧爽受率其旅若林會于牧野罔
有敵于我師前徒倒戈攻于後以北血流漂杵是紂
以甲子喪也詩云韋顧既伐昆吾夏桀言昆吾與桀
同時死也十八年傳二月乙卯周毛得殺毛伯過而
代之萇弘曰毛得必亡是昆吾稔之日也昆吾之死

與桀同日知桀以乙卯亡也以此二王之亡為天誅之日故國君以為忌日惡此日也檀弓云君子有終身之憂故忌日不樂鄭玄云謂死日也彼謂親亡之日至此日而念親故此日不用舉吉事非是惡此日也此與忌日名同意異

君徹宴樂學人舍業為疾故也君之卿

佐是為股肱股肱或虧何痛如之注言痛疾過於忌

日音義

舍音捨為于偽反下為是同

女弗聞而樂是不聰也注不

聞是義而作樂又飲外嬖嬖叔注外都大夫之嬖者

疏

注正義曰此言外嬖嬖叔即李調是也禮記云調也君之褻臣也既云褻臣而謂之外嬖知是外都

大夫之嬖者猶晉獻公時有外嬖梁伍東關嬖伍

曰女為君目將司明也注

職在外故主視服以旌禮注旌表也禮以行事注事

政令事有其物注物類也物有其容注容貌也今君

之容非其物也注有卿佐之喪而作樂歡會故曰非

其物而女不見是不明也疏

正義曰吉有弁冕凶有衰麻禮有吉凶之異作

衣服以表之如此之類是服以旌禮也周禮司服六冕以祭祀皮弁以視朝韋弁以即戎冠弁以田獵如

此之類是禮以行事也傳稱哀有哭泣樂有歌舞如此之類是事有其物言行事各有其物類也記稱衰

麻則有衰色端冕則有敬色介冑則有不可犯之色周禮保氏教國子六儀一曰祭祀之容二曰賓客之

容三曰朝廷之容四曰喪紀之容五曰軍旅之容六曰車馬之容少儀曰言語之美穆穆皇皇朝廷之美

濟濟翔翔祭祀之美齊齊皇皇車馬之美駢駢翼翼
鸞和之美肅肅雍雍如此之類是物有其容也君有
卿佐之喪宜有悲哀之貌而與羣臣飲酒作樂
今君之容貌非其類也而女不見是不明也亦自

飲也曰味以行氣氣以實志注氣和則志充志以定
言注在心為志發口為言言以出令臣實司味二御

失官而君弗命臣之罪也注工與嬖叔侍御君者失

官不聰明疏

正義曰調和飲食之味以養人所以行
人氣也氣得和順所以充人志也志意

充滿慮之於心所以定言語也詳審言語宣之於口
所以出號令也臣實主掌食味今工師不聰叔也不
明二侍御者並失其官而君不出令公說徹酒初公
以罪之必是食味失宜是臣之罪也

欲廢知氏而立其外嬖為是悛而止音義

說音悅知音智下同

悛七疏

正義曰公心欲廢知氏故輕悼子之喪不廢全反疏飲酒得蒯以禮責之乃知君臣義重其禮不

可輒廢為是悛而止悛改也改革前意也禮記記此事飲酒事同而其言盡別記是傳聞故與此異二者必有一謬當傳實而記虛也

秋八月使荀躒佐下軍以說焉注躒

荀盈之子知文子也佐下軍代父也說自解說音義

躒本又作櫟力狄反又音洛

○孟僖子如齊殷聘禮也注自叔老

聘齊至今二十年禮意久曠今脩盛聘以無忘舊好

故曰禮音義

好呼疏注正義曰襄二十年叔老聘齊報反疏至今二十年更不遣聘是邦交

禮意久曠絕也殷訓盛也今脩盛聘以無忘舊好故禮之也聘禮云小聘曰問不享有獻不及夫人主人不延几不郊勞然則聘禮經之所言是大聘也王制云諸侯之於天子也比年一小聘三年一大聘鄭玄云小聘使大夫大聘使卿聘禮既是大聘使卿矣殷聘又當盛於大聘不知以何為盛或當享禮之物多矣

○冬築郎園書時也季平子欲其速成也叔孫昭

子曰詩曰經始勿亟庶民子來注詩大雅言文王始

經營靈臺非急疾之衆民自以子義來勸樂為之音

義

又五教反一音洛疏正義曰大雅靈臺之篇也言

勿使急成之但其衆民自以子成父事而來勸樂而早成之耳子成父事不待督帥故云子來以示民樂

之意焉用速成其以勦民也注勦勞也音義焉於虔反勦初交反

又子小反無囿猶可無民其可乎

經十年春王正月

夏齊欒施來奔注嗜酒好內以取敗亡故書名音義嗜市

志反傳同
好呼報反

秋七月季孫意如叔弓仲孫纘帥師伐莒注三大夫皆

卿故書之季孫為主二子從之疏注正義曰成二年章之戰魯四卿並書此

三卿皆書重兵詳內故備書之其他國行兵唯書元帥而已畧外也傳云平子伐莒取郟平丘又獨見執明是

季孫為伐莒之
主二子從之

戊子晉侯彪卒注五同盟音義

彪彼疏注正義曰彪以
蚪反襄十六年即位

其年盟于溴梁十九年于祝柯二十年于澶淵二十五
年于重丘二十七年于宋不數元年虢會是五同盟

九月叔孫婼如晉

葬晉平公注三月而葬速

十有二月甲子宋公成卒注十一同盟也無冬史闕文

音義

成音城何
休音恤疏

注正義曰成以成十六年即位十七
年盟于柯陵十八年于虛打襄三年

于雞澤五年于戚九年于戲十一年于毫城北十五年
及向戌盟于劉十六年于溴梁十九年于祝柯二十年

于澶淵二十五年于重丘二十七年于宋元年于虢皆
魯宋俱在凡十三同盟杜意盟數多者不數特盟襄十
五年向戌盟于劉及虢盟不數故十一劉炫并數
以規杜過非也如此數盟不同者或由傳寫誤

傳十年春王正月有星出于婺女注客星也不書非

李音義

婺武付反
李蒲對反

鄭裨竈言於子產曰七月戊子晉

君將死今茲歲在顓頊之虛注歲歲星也顓頊之虛

謂玄枵音義

裨婢支反虛起魚疏注正義曰釋天云
反注同枵許驕反玄枵虛也顓頊之

虛虛也郭璞曰虛在正北顓頊水德位在北方當以
北方三次以玄枵為中玄枵次有三宿又虛在其中
以水位在北顓頊居之故謂
玄枵虛星為顓頊之虛也

姜氏任氏實守其地注

姜齊姓任薛姓齊薛二國守玄枵之地音義

任音壬注同

居其維首而有妖星焉告邑姜也注客星居玄枵之

維首邑姜齊大公女晉唐叔之母星占嫠女為既嫁

之女織女為處女邑姜齊之既嫁女妖星在嫠女齊

得歲故知禍歸邑姜音義

大音泰疏正義曰維者綱也玄枵次有三宿女

為其初女是次之綱維也居其維首謂星居之也其
玄枵維首而有妖異之星焉以將死之妖告邑姜也
邑姜齊女告邑姜也邑姜晉之妣也天以七紀注二十
言其子孫當死也

八宿面七音義

妣必履反宿音秀

疏

正義曰曲禮云生日母死曰妣鄭玄云妣之言

嬀嬀於考也邑姜唐叔之母故為晉之妣也邑姜亦是成王之母而於周無災任姜共守其地而不告薛女此則裨竈自知戊子逢公以登星斯於是乎出注非吾徒所能測

逢公殷諸侯居齊地者逢公將死妖星出婺女時非

歲星所在故齊自當禍而以戊子日卒疏

正義曰昔戊子之日

逢公死其神以此日登天於時有星是此星也於是婺女乎出爾時妖星出於婺女而戊子逢公死今此星亦出婺女知戊子晉君當死也逢公死日星出婺女當時猶有書記故裨竈得而知之注正義曰二十一年晏子說齊地云有逢伯陵因之則陵是逢君之始祖也周語記玄枵之次云我皇妣大姜之姪伯陵之後逢公之所馮神也孔晁云大姜大王之妃王季之母也女子謂昆弟之子曰姪伯陵大姜之祖逢公大

姜之姪伯陵之後逢公殷諸侯也然則伯陵之後世為逢君皆是逢公未知戊子卒者何名號也逢公死時妖星亦出娶女於時歲星不在齊分故齊地之君自當其禍此時歲在齊分故外孫當之吾是

以譏之注為晉侯彪卒傳○齊惠樂高氏皆耆酒注

樂高二族皆出惠公疏

正義曰齊惠公生公子樂公

生子雅雅生子旗子旗是樂孫子良是高孫孫以王父字為氏皆出惠公故曰惠樂高氏也

信內

多怨注說婦人言故多怨音義

說音悅

彊於陳鮑氏而

惡之注惡陳鮑音義

惡為路反注同

夏有告陳桓子曰子旗

子良將攻陳鮑亦告鮑氏桓子授甲而如鮑氏遭子

良醉而騁注欲及子良醉故騁告鮑文子音義

騁勅領反

遂見文子注文子鮑國則亦授甲矣使視二子注二

子子旗子良則皆將飲酒桓子曰彼雖不信注彼傳

言者音義

傳直專反

聞我授甲則必逐我及其飲酒也先

伐諸陳鮑方睦遂伐欒高氏子良曰先得公陳鮑焉

往注欲以公自輔助音義

先伐諸一本無伐字焉於虔反下焉歸同

遂伐

虎門注欲入公不聽故伐公門疏

正義曰周禮師氏掌以美詔王居虎

門之左司王朝鄭玄云虎門路寢門也王曰視朝於路寢門外畫虎焉以明勇猛於守宜也司猶察也察

王之視朝若有善道可行者則當前以詔王彼師氏察王得失明其近王故以虎門為路寢門此亦當然或以虎門非路寢門當是宮之外門不與周禮同

晏平仲端委立于虎門之

外注端委朝服疏

注正義曰元年傳劉定公謂趙文子云吾與子弁冕端委哀七年傳

曰大伯端委以治周禮則端委是在公之服故云朝服鄭玄云諸侯與其臣皮弁以視朔朝服以視朝其朝服玄冠緇布衣素積以為裳也

四族召之無所往注四族樂高陳

鮑其徒曰助陳鮑乎曰何善焉注言無善義可助助

樂高乎曰庸愈乎注罪惡不差於陳鮑音義

差初然賣反

則歸乎曰君伐焉歸公召之而後入公卜使王黑以

靈姑鉞率吉請斷三尺焉而用之注王黑齊大夫靈

姑鉞公旗名斷三尺不敢與君同音義

鉞扶眉反又音平率所律

反徐所類反斷

疏正義曰

公卜卜與樂高戰也靈姑

丁管反注同

疏

鉞者齊侯旌旗之名

卜使王黑以

此靈姑鉞之旗率人以戰得吉也禮諸侯當建蛟龍之旂此靈姑鉞蓋是蛟龍之旂當時為之名其義不

可知也知是旗者以請斷三尺而用之故知是旗

五月庚辰戰于稷注稷祀

后稷之處音義

稷地名六國時齊有稷下館處昌慮反

樂高敗又敗諸

莊注莊六軌之道疏

注正義曰釋宮云六達謂之莊舊說皆云六道旁出杜皆以一

達為國人追之又敗諸鹿門注鹿門齊城門樂施高

疆來奔注高疆不書非卿陳鮑分其室晏子謂桓子

必致諸公讓德之主也讓之謂懿德凡有血氣皆有

爭心故利不可強注不可強取音義

爭爭鬪之爭強其文反注同

思義為愈義利之本也蘊利生孽姑使無蘊乎注蘊

畜也孽妖害也音義

蘊紆粉反孽魚列反畜勅六反

可以滋長桓子

盡致諸公而請老于莒注莒齊邑音義

長丁文反

桓子召

子山注子山子商子周襄三十一年子尾所逐羣公

子私具幄幕器用從者之衣屨注私具不告公音義

帷於角反幕音莫從
才用反屨九具反

而反棘焉注棘子山故邑齊國

西安縣東有戟里亭子商亦如之而反其邑子周亦

如之而與之夫子注子周本無邑故更與之濟南於

陵縣西北有子亭反子城子公公孫捷注三子八年

子旗所逐而皆益其祿凡公子公孫之無祿者私分

之邑注桓子以己邑分之國之貧約孤寡者私與之

粟曰詩云陳錫載周能施也注詩大雅言文王能布

陳大利以賜天下行之周偏音義

載如字詩作哉毛
云哉載也鄭云始

也施始鼓反下注同偏音通

桓公是以霸注齊桓公亦能施以致

霸疏

正義曰曰者桓子辭也既私施與又言已施之意大雅文王之篇錫賜載行周偏也言文王能

布陳大利以賜天下行之周偏此言文王之能施也桓公亦用此能霸諸侯焉得不務施乎言已多施為此公與桓子莒之旁邑辭注讓不受穆孟姬為之請

高唐陳氏始大注穆孟姬景公母傳言陳氏所以與

音義

為子偽反

○秋七月平子伐莒取鄭注鄭莒邑取鄭

不書公見討於平丘魯諱之音義

鄭古

獻俘始用人

於亳社注以人祭殷社音義

俘芳夫反亳步洛反

臧武仲在齊

聞之曰周公其不饗魯祭乎周公饗義魯無義詩曰

德音孔昭視民不佻注詩小雅佻偷也言明德君子

必愛民音義

視如字詩作示佻他彫反

佻之謂甚矣而壹用之將

誰福哉注壹同也同人於畜牲音義

畜許又反疏正義曰

鳴之篇也孔甚昭明佻偷也以君子之人為賓客德音甚明其視下民不偷薄苟且也偷之已謂甚矣而一同畜牲用之將誰肯福祐之哉佻偷釋言

文李巡曰佻偷薄之偷也孫炎曰偷苟且也

○戊子

晉平公卒注如禕竈之言鄭伯如晉及河晉人辭之

游吉遂如晉注禮諸侯不相弔故辭九月叔孫婁齊

國弱宋華定衛北宮喜鄭罕虎許人曹人莒人邾人

薛人杞人小邾人如晉葬平公也注經不書諸侯大

夫者非盟會鄭子皮將以幣行注見新君之贄音義

見賢遍反下不得見
下因見同贄音至

子產曰喪焉用幣用幣必百兩

注載幣用車百乘音義

焉於虔反
乘繩證反

疏

正義曰尚書武
王戎車三百兩

孔安國云
兵車稱兩

百兩必千人千人至將不行注行用也不

行必盡用之注不得見新君將自費用盡音義

費芳
味反

同下幾千人而國不亡注言千人之費不可數音義

幾居

豈反數
所角反

子皮固請以行既葬諸侯之大夫欲因見新

君叔孫昭子曰非禮也弗聽叔向辭之曰大夫之事

畢矣注送葬禮畢而又命孤孤斬焉在衰經之中注

既葬未卒哭故猶服斬衰音義

衰七雷反經直結反

其以嘉服

見則喪禮未畢其以喪服見是重受弔也大夫將若

之何皆無辭以見子皮盡用其幣歸謂子羽曰非知

之實難將在行之注言不患不知患不能行音義

嘉服

見如字又賢遍反下同重
直用反以見賢遍反下同

夫子知之矣我則不足注

言己由子產之戒既知其不可而遂行之是我之不

足疏

正義曰尚書說命云非知之難行之惟艱此言出彼意也非知之實為難將在行之為難也言

子產語己己既知之知而不行所以自悔夫子謂子產知之矣知喪不用幣也我則知不足矣書曰

欲敗度縱敗禮注逸書音義

敗必邁反下同

疏

正義曰尚書太甲篇也孔

傳云言己放縱情欲毀敗禮儀法度

我之謂矣夫子知度與禮矣我實

縱欲而不能自克也注欲因喪以慶新君故縱而行

之不能自勝音義

勝音升

昭子至自晉大夫皆見高疆

見而退注高疆子良昭子語諸大夫曰為人子不可

不慎也哉昔慶封亡子尾多受邑而稍致諸君君以

為忠而甚寵之將死疾于公宮注在公宮被疾音義

語魚據反

輦而歸君親推之注推其車而送之音義

推如字又

他回反注同

其子不能任是以此忠為令德其子弗能

任罪猶及之難不慎也喪夫人之力棄德曠宗以及

其身不亦害乎注夫人謂子尾曠空也音義

任音壬下同喪

息浪反夫音扶注同

疏正義曰言人居之難可不謹慎

詩曰不自我先不自我

後其是之謂乎注詩小雅言禍亂不在他正當己身

以喻高彊身自取此禍疏

正義曰正月大夫刺幽王也云父母生我胡俾我瘳

不自我先不自我後注云父母謂文武也天使父母生我何故不長遂我而使我遭此暴虐之政而病此何不出我之居我之

○冬十二月宋平公卒初元

後窮苦之情苟欲免身

公惡寺人柳欲殺之注元公平公太子佐也音義

惡烏

路反寺疏正義曰謚法內外賓服又作侍疏曰平好建國都曰元

及喪柳熾炭于位

注以溫地音義

熾炭吐旦反

將至則去之注使公坐其

處音義

去起呂反處昌慮反

比葬又有寵注言元公好惡無常

音義

比必利反好呼報反惡烏路反

經十有一年春王二月叔弓如宋

葬宋平公

夏四月丁巳楚子虔誘蔡侯般殺之于申注蔡侯雖弑父而立楚子誘而殺之刑其羣士蔡大夫深怨故以楚

子名告音義

虔其連反般音班疏注正義曰蔡侯雖弑弑申志反傳放此疏父而立實宜受討但

立為君於蔡已十三年楚子誘而殺之又刑其羣士不以殺父之罪討之蔡大夫深怨楚子故以楚子名赴告禮諸侯不生名書名是罪絕之事以其名告欲使諸國之史書名以罪絕之也若是楚告不當自罪其君知是蔡人告也公子圍弑

君取國改名曰虔

弑

楚公子棄疾帥師圍蔡

五月甲申夫人歸氏薨注昭公母胡女歸姓

大蒐于比蒲

仲孫纁會邾子盟于祲祥注祲祥地闕音義

比音毗徐扶夷反祲

子鳩反徐又七林反

秋季孫意如會晉韓起齊國弱宋華亥衛北宮伋鄭罕

虎曹人杞人于厥愁注厥愁地闕音義

伋徒河反愁魚靳反徐五巾反

一音五轄反

九月己亥葬我小君齊歸注齊謚音義

齊如字

冬十有一月丁酉楚師滅蔡執蔡世子有以歸用之注

用之殺以祭山疏

正義曰父既死矣猶稱世子者君死而國被圍未暇以禮即位故國以世

告子

傳十一年春王二月叔弓如宋葬平公也注嫌以聘

事行故傳具之○景王問於萇弘曰今茲諸侯何實

吉何實凶注萇弘周大夫音義

萇直良反

對曰蔡凶此蔡

侯般弑其君之歲也歲在豕韋注襄三十年蔡世子

般弑其君歲在豕韋至今十三歲歲復在豕韋般即

靈侯也音義

復扶又反下歲復在同

弗過此矣注言蔡凶不過

此年楚將有之然壅也注蔡近楚故知楚將有之楚

無德而享大利所以壅積其惡音義

壅於勇反注及後同近附近之

近下同

歲及大梁蔡復楚凶天之道也注楚靈王弑立

之歲歲在大梁到昭十三年歲復在大梁美惡周必

復故知楚凶楚子在申召蔡靈侯靈侯將往蔡大夫

曰王貪而無信唯蔡於感注蔡近楚之大國故楚常

恨其不服順音義

於感戶暗反

今幣重而言甘誘我也不

如無往蔡侯不可三月丙申楚子伏甲而饗蔡侯於

申醉而執之夏四月丁巳殺之刑其士七十人公子

棄疾帥師圍蔡注傳言楚子無道音義韓宣子

重直用反

問於叔向曰楚其克乎對曰克哉蔡侯獲罪於其君

注謂弑父而立而不能其民注不能施德天將假手

於楚以斃之注借楚手以討蔡音義斃婢何故不克

世反

然肝聞之不信以幸不可再也楚王奉孫吳以討於

陳曰將定而國陳人聽命而遂縣之注事在八年今

又誘蔡而殺其君以圍其國雖幸而克必受其咎弗

能久矣桀克有緡以喪其國紂克東夷而隕其身注

紂為黎之蒐東夷叛之桀為仍之會有緡叛之故伐

而克之音義

緡武中反喪息浪反下且喪君同隕于敏反

疏

正義曰桀身奔南巢故云

喪國也紂首縣白旗故云隕身也

楚小位下而亟暴於二王能無咎

乎天之假助不善非祚之也厚其凶惡而降之罰也

且譬之如天其有五材而將用之力盡而敝之是以

無拯不可沒振注金木水火土五者為物用久則必

有敝盡盡則棄捐故言無拯拯猶救助也不可沒振

猶沒不可復振音義

亟欺冀反數也咎其又反下同作本又作祚在路反拯拯濟之

拯注同振之慎反捐以專反救本亦作疏正義曰亟拯音救不可復振扶又反本或作沒振疏數也比於

桀紂則楚小位下而數行暴虐甚於桀紂二王能無咎惡乎拯音丞之上聲也方言云出溺為拯拯是救

助之義天之用楚如人用五材力盡而敝敝則棄之是以無救助之者拯是救溺之名遂以救溺為喻也不可沈沒之後復振救之振亦救也言楚如沒水不可救也注正義曰金木水火土五者之材皆為物用用久則必敝盡敝盡則棄捐之捐

○五月齊歸薨大

蒐于比蒲非禮也

○孟僖子會邾莊公盟于祿祥脩

好禮也注蒐非存亡之由故臨喪不宜為之盟會以

安社稷故喪盟謂之禮音義

好呼報反

泉丘人有女夢以

其帷幕孟氏之廟注泉丘魯邑音義

夢以其帷位悲反一本作夢以

帷幕音莫遂奔僖子其僚從之注鄰女為僚友者隨而奔

僖子音義

僚力彫反

盟于清丘之社曰有子無相棄也注

二女自共盟僖子使助遠氏之遫注遫副倅也遠氏

之女為僖子副妾別居在外故僖子納泉丘人女令

副助之音義

遠為彼反本又作為遫本又作造初又反說文遫從升倅七對反令力呈反

疏

注正義曰禮有副車倅車倅車皆謂副貳之車也道亦副倅之意妻為正適妾為副貳遠氏之女先為副

貳別居在外故使泉丘人女與之聚居令副助而為對偶之

反自祓祥宿于遠氏

生懿子及南宮敬叔於泉丘人其僚無子使字敬叔

注字養也似雙生音義

生如字或一音所敬反

疏

正義曰以傳直云宿於遠

氏即連言生懿子及南宮敬叔疑遠氏所生故傳顯云生懿子及南宮敬叔於泉丘人於泉丘人宜上讀

為句

○楚師在蔡注向四月之師音義

向本又作曷亦作向同許亮反

晉荀吳謂韓宣子曰不能救陳又不能救蔡物無以

親注物事也疏

正義曰物事也事事如此以是故無人肯親我晉國

晉之不能

亦可知也已為盟主而不恤亡國將焉用之音義將焉

於虔反 ○秋會于厥慙謀救蔡也注不書救蔡不果救

蔡鄭子皮將行子產曰行不遠不能救蔡也蔡小而不順楚大而不德天將棄蔡以壅楚盈而罰之注盈

楚惡蔡必亡矣且喪君而能守者鮮矣三年王其有

咎乎美惡周必復王惡周矣注元年楚子弑君而立

歲在大梁後二年十三歲歲星周復於大梁音義鮮息

淺反復於扶反 一本又作復在晉人使狐父請蔡于楚弗許注狐父

晉大夫音義

胡狐音

○單子會韓宣子于戚注單子單

成公視下言徐叔向曰單子其將死乎朝有著定注

著定朝內列位常處謂之表著音義

著張慮反徐治居反注及下同

處昌疏

注正義曰著定謂佇立定處故謂朝內列位

慮反常處也周禮司士正朝儀之位辨其貴賤之

等王南鄉三公北面東上孤東面北上卿大夫西面

北上王族故士虎士在路門之右南面東上大僕大

右六僕從者在路門之左南面西上鄭玄云此王日

視朝事於路門外之位此是朝上之位貴賤有定處

也會有表亦是位之定處但著下言定則表亦是定

故直言會有表耳俗本表下有旗謬也野會設表為

位亦當有物記處如今之位版也謂之表著者杜意

當以下文表著之位謂此也劉炫謂下文有著有表

二文不同以著定為朝有著不得謂之表著而規杜氏今知非者杜意當以下文會朝之言必聞於表著故於朝有著之文并探下文會有表以配著故云謂之表著所以覆結下文非謂著之一字即名表著也

劉炫不達杜旨而為規過非也

會有表注野會設表以為位疏

注正義曰

禮諸侯建旂設旂以為表也周禮司儀云將合諸侯則令為壇三成宮旁一門覲禮云諸侯覲于天子為宮方三百步四門壇十有二尋深四尺上介皆奉其君之旂置于宮尚左公侯伯子男皆就其旂而立鄭玄云置于宮者建之豫為其君見王之位也諸公中階之前北面東上諸侯東階之東西面北上諸伯西階之西東面北上諸子門東北面東上諸男門西北面東上尚左者建旂公東上侯先伯伯先子子先男而位皆上東方也諸侯入壇門或左或右各就其旂而立王降階南鄉見之是天子於野會諸侯設表以

為位也周禮大司馬中冬教大閱門立四表是以設表為位也盟主之會諸侯必亦旂表位大夫聚會亦應有以表位但無文以言耳衣有襜帶有結注襜領會結帶結也

音義

禮古外反說文云帶所結也

會朝之言必聞于表著之位所

以昭事序也視不過結襜之中所以道容貌也言以

命之容貌以明之失則有闕今單子為王官伯而命

事於會視不登帶言不過步貌不道容而言不昭矣

不道不共不昭不從注貌正曰共言順曰從音義道音

導下

疏正義曰言聲所聞不過一步注正義曰洪範

同

五事貌曰恭言曰從其意曰容貌當恭恪言

是則可從是貌正
曰共言順曰從

無守氣矣注為此年冬單子卒起

本疏

正義曰言無守
身之氣將必死

○九月葬齊歸公不感晉士之

送葬者歸以語史趙史趙曰必為魯郊注言昭公必

出在郊野不能有國音義

語魚疏正義曰傳稱文襄
據反疏之制夫人喪士弔

大夫送葬此言晉士送葬者蓋大夫來而士為介未
必士獨行也此士以公不感語史趙故特言士耳必

為魯郊言昭公必為侍者曰何故曰歸姓也不思親
魯人所逐而出在郊

祖不歸也注姓生也言不思親則不為祖考所歸祐

音義

祐音
又

叔向曰魯公室其卑乎君有大喪國不廢

蒐注謂蒐比蒲有三年之喪而無一日之感國不恤
喪不忌君也注忌畏也君無憾容不顧親也國不忌
君君不顧親能無卑乎殆其失國注為二十五年公
孫於齊傳○冬十一月楚子滅蔡用隱太子于岡山

注蔡靈公之太子蔡侯廬之父音義

岡音剛廬力吳反

疏正

曰此時楚以畜牲用之無人為之作謚必是蔡侯廬
歸國乃追謚其父為隱耳釋例土地名岡山闕不知
其處經言以歸用申無字曰不祥五牲不相為用况
之必是楚地山也

用諸侯乎注五牲牛羊豕犬雞音義

為于為反或如字

疏正義

曰世子雖未即位以其父既死則當君處故以諸侯言之甚之也注正義曰爾雅以此五者并馬為六畜周禮謂之六牲但馬非常祭所用故去馬而以此五者當之

王必悔之注悔為暴虐

○十二月單成公卒注終叔向之言○楚子城陳

蔡不羹注襄城縣東南有不羹城定陵西北有不羹

亭音義

羹舊音郎漢書地理志作更字疏正義曰古者羹臠之字音

招魂與史游急就篇羹與房漿糠為韻但近世以來獨以此地音為郎耳使棄疾為蔡公

王問於申無宇曰棄疾在蔡何如對曰擇子莫如父

擇臣莫如君鄭莊公城櫟而寘子元焉使昭公不立

注子元鄭公子莊公寘子元於櫟桓十五年厲公因之以殺櫟大夫檀伯遂居櫟卒使昭公不安位而見

殺音義

櫟力疏注正義曰杜以子元為鄭公子曼伯狄反與檀伯為一人莊公城櫟而寘子元

又使檀伯為櫟邑大夫故厲公得因子元而殺檀伯劉炫以為傳言城櫟以寘子元當謂賜元以櫟則以元為櫟邑之長若其別有大夫子元寄居於櫟便是城櫟以置檀伯何言置子元也若厲公因子元以殺檀伯則子元是櫟邑之大夫耳豈是莊公城櫟之咎乎且桓十五年傳云鄭伯因櫟人殺檀伯不言因子元也子元鄭之公子不得為櫟人也鄭眾云子元即檀伯也厲公殺檀伯居櫟因櫟之眾偪弱昭公使至殺死案桓五年傳云子元請為左拒即云曼伯為右拒則曼伯子元近是為一以規杜氏今知劉說非者

案晉封桓叔于曲沃而以欒賁傳之鄭使許叔居許而以公孫獲為佐楚使大子建居城父而以奮揚助之竝是一邑之內而有二人則莊城櫟而置子元別有檀伯居櫟何為不可子元共櫟邑之人而納厲公但此因棄疾在蔡故特指子元桓十五年直明厲公之入故總言櫟人辭有彼此不可為怪劉又以子元為曼伯案隱五年傳云曼伯與子元潛軍軍其後又下文鄭二公子敗燕師于北制是子元非曼伯也劉妄規杜齊桓公城穀而寘管仲焉至于今賴之注城非也

穀在莊三十二年臣聞五大不在邊五細不在庭注上古金木水火土謂之五官玄鳥氏丹鳥氏亦有五又以五鳩鳩民五雉為五工正蓋立官之本也末世

隨事施職是以官無常數今無字稱習古言故云五

大也言五官之長專盛過節則不可居邊細弱不勝

任亦不可居朝庭疏

注正義曰二十九年傳曰有五行之官是謂五官木正曰句芒

火正曰祝融金正曰蓐收水正曰玄冥土正曰后土是上古金木水火土謂之五官也十七年傳云少皞

氏紀於鳥為鳥師而鳥名鳳鳥氏歷正也玄鳥氏司分者也伯趙氏司至者也青鳥氏司啟者也丹鳥氏

司閉者也是玄鳥丹鳥亦有五也彼傳又云五鳩鳩民者也五雉為五工正數皆有五蓋古立官之本以

五為常末世隨事施職是以官無常數不復以五耳今無字稱習古言故云五大也言五官之長其人太

大專盛過節則不可居邊城或將據邊城以陵本國也五官之長大細弱則不勝其任不能使威行於下

將為人所陵亦不可居朝庭也賈逵云五大謂大子
母弟貴寵公子公孫累世正卿也鄭衆云大子晉申
生居曲沃是也母弟鄭共叔段居京是也貴寵公子
若棄疾在蔡是也貴寵公孫若無知食渠丘是也累
世正卿衛甯殖居蒲孫氏居戚是也五細賤妨貴少
陵長遠間親新間舊小加大也不在庭不當使居朝
廷為政也此五大五細無字唯言五耳不知五者何
謂故先儒各自以意言之雖杜之言亦無明證正以
彼必不通親不在外羈不在內今棄疾在外鄭丹在
故改之耳

內注襄十九年丹奔楚君其少戒王曰國有大城何
如對曰鄭京櫟實殺曼伯注曼伯檀伯也厲公得櫟

又并京音義

曼音萬

疏

注正義曰厲公并京傳無其事

正以京櫟連言故云又并京

宋蕭亳實殺子游注在莊十二年齊渠丘實殺無知

注在莊九年渠丘今齊國西安縣也齊大夫雍廩邑

疏

注正義曰渠丘為雍廩之邑傳無其文以彼傳言雍廩殺無知此云齊渠丘實殺無知以此知渠丘

是雍廩邑也鄭衆以渠丘為無知之邑無知不坐邑死何以言渠丘殺無知蕭亳非子游之邑渠丘不得為無知

衛蒲戚實出獻公注蒲甯殖邑戚孫林父邑出

獻公在襄公四年音義

出如字徐音黠

若由是觀之則害於

國末大必折注折其本尾大不掉君所知也注為十

三年陳蔡作亂傳音義

掉徒弔反

疏

正義曰宋殺子游齊殺無知乃是賴得大

邑以討篡賊而謂之害於國者以其能專廢置則是國害天子之建諸侯欲令蕃屏王室諸侯之有城邑欲令指揮從己不得使下邑制國都故大城為國害也末大必折以樹木喻也尾大不掉以畜獸喻也楚語說此事公制城邑若體牲焉自首領股肱至於拇指毛脉大能掉小故變而不動夫邊境者國之尾也譬之如牛馬處暑之既至蚩蟄之既多而不能掉其尾臣懼之

經十有三年春齊高偃帥師納北燕伯于陽注三年燕

伯出奔齊高偃高偃玄孫齊大夫陽即唐燕別邑中山

有唐縣不言于燕未得國都音義

偃音奚

疏

注正義曰劉炫云杜譜以

偃與鄰為一亦云高偃玄孫案襄二十九年傳云敬仲曾孫鄰非玄孫也今知非者案世本敬仲生莊子莊子

生傾子傾子之孫鄰是偃為敬仲玄孫也經言于陽傳
言于唐知陽即唐也不言于燕未得國都與哀二年納
荊賁于
戚同

三月壬申鄭伯嘉卒注五同盟疏

注正義曰嘉以襄九年即位其年盟于戲

十一年于亳城北十六年于溴梁二十年于澶淵二十
五年于重丘二十七年于宋元年于虢皆魯鄭俱在凡
七云五者杜以其盟既多故皆據君在盟會而言之襄
二十七年是大夫之盟元年虢會讀舊書二者不數故
為五也或因
傳寫錯誤

夏宋公使華定來聘注定華椒孫

公如晉至河乃復注晉人以莒故辭公

五月葬鄭簡公注三月而葬速

楚殺其大夫成熊注傳在葬簡公上經從赴音義

熊音雄

秋七月

冬十月公子慙出奔齊注書名謀亂故也音義

慙魚覲反一讀

為整正
領反

楚子伐徐注不書圍以乾谿師告疏

注正義曰傳稱使蕩侯潘子司馬督

駕尹午陵尹喜帥師圍徐以懼吳楚子次于乾谿以為之援如傳文則實圍徐也不書圍者不以所圍之師告

以乾谿援
師告也

晉伐鮮虞注不書將帥史闕文音義

將子匠反疏注正帥所類反義曰

十五年晉荀吳帥師伐鮮虞定四年晉士鞅衛孔圉帥師伐鮮虞二者皆書將帥此獨不書將帥知是史闕或是告辭畧史闕不得書亦得言史闕文也穀梁曰其曰晉狄之也不正其與夷狄交伐中國故狄稱之也賈服取以為說左氏無貶中國從夷狄之法傳曰亡者侮之亂者取之又曰間攜貳覆昏亂霸王之器也鮮虞夷狄也近居中山不式王命不共諸夏不事盟主伐而取之唯恐知力不足焉有以夏討夷反狄中國從此以後用師多矣何以不常狄晉而復舉其人也杜以其言不通故顯而異之

傳十二年春齊高偃納北燕伯欵于唐因其衆也注

言因唐衆欲納之故得先入唐○三月鄭簡公卒將

為葬除注除葬道音義

為于偽反

及游氏之廟注游氏子

大叔族將毀焉子大叔使其除徒執用以立而無庸

毀注用毀廟具疏

正義曰用謂毀廟之具若今鉞鏹之類也庸亦用也教其除道之徒

執所用作具以佇立而無用即毀廟也

曰子產過女而問何故不毀乃

曰不忍廟也諾將毀矣注教毀廟者之辭音義

汝女音

既如是子產乃使辟之司墓之室有當道者注簡公

別營葬地不在鄭先公舊墓故道有臨時迂直也司

墓之室鄭之掌公墓大夫徒屬之家音義

迂音于一音於

疏

正義曰周禮墓大夫下大夫二人中士八人掌凡邦墓之地域為之圖令國民族葬鄭之司墓亦當如彼此是掌公墓大夫也言之室有當道者則非司墓自家之室故注以為徒屬之家猶尚書注云玄孫之親言之以見高祖曾祖之弟皆親親相似毀之則朝而崩注崩下棺音義

朝如字崩北鄧反徐甫贈

疏注正義曰周禮作窆禮反禮家作窆彼驗反義同

時下棺於壙之事而其字不同是聲相近經篆隸而字轉易耳

弗毀則日中而崩子

大叔請毀之曰無若諸侯之賓何注不欲久留賓子

產曰諸侯之賓能來會吾喪豈憚日中無損於賓而民不害何故不為遂弗毀日中而葬君子謂子產於

是乎知禮禮無毀人以自成也音義

憚待旦反

○夏宋華

定來聘通嗣君也注宋元公新即位享之為賦蓼蕭

弗知又不答賦注蓼蕭詩小雅義取燕笑語兮是以

有譽處兮樂與華定燕語也又曰既見君子為龍為

光欲以寵光賓也又曰宜兄宜弟令德壽凱言賓有

令德可以壽樂也又曰和鸞雍雍萬福攸同言欲與

賓同福祿也音義

為于偽反蓼音六樂音洛疏正義曰享燕之禮自有常樂今特云

為賦蓼蕭者文四年衛甯武子來聘公與之宴為賦湛露及彤弓注云非禮之常公特命樂人以示意則

知此亦特命樂人所以嘗試華定

昭子曰必亡宴語之不懷注懷思

也寵光之不宣注宣揚也令德之不知同福之不受

將何以在注為二十年華定出奔傳疏

正義曰不懷不宣不知不

受皆據華定為文也詩云燕笑語兮言定當思此笑語與主相對也詩云為龍為光定當應此寵光宣揚之也詩云令德壽凱定當知己有德與否須辭謝之也詩云萬福攸同定當受同福荷君恩也各準事而為之

○齊侯衛侯鄭伯如晉朝嗣君也注晉昭公新

立○公如晉注亦欲朝嗣君至河乃復取鄭之役注在十年莒人愬于晉晉有平公之喪未之治也故辭

公公子愁遂如晉注愁魯大夫如晉不書還不復命

而奔故史不書於策疏

注正義曰此經書公子愁出奔齊名見於經則愁是卿也

出奔既書於策如晉亦應書之今不書者杜以宣十

八年書公孫歸父如晉歸父還自晉至笙遂奔齊傳

稱歸父還至笙聞公薨乃壇帷復命於介然後出奔

書曰歸父還自晉善之也彼善之故書其去又書其

還此愁知己謀泄逃介而先不復命於君而還出奔

故史不書於策言其為此故不書其如晉也劉炫云

杜以愁還不復命於介而奔止可不書其還何故如

晉亦不書也此蓋謂君使臣聘必當告廟告廟乃得

書於策公歸告復不告使愁故不書如晉今刑定以

為愁初欲謀亂魯國而往聘晉魯人責其謀亂不復

命故賤而不錄其聘也出奔書者榮其罪人斯得故

顯而書之也劉以為出聘不告廟故不書而規杜氏

案不復命而奔傳有其事公子慙不告廟傳無其文以無文之事妄規杜氏非也

晉侯享諸

侯子產相鄭伯辭於享請免喪而後聽命注簡公未

葬音義

相息亮反下同

疏

正義曰僖九年宋桓公卒未葬襄公會從之禮也鄭偏於楚以固事晉故父雖未葬朝晉

嗣君不得已而行於情可許也諸侯相享必有樂未葬不可以從吉故辭享為得禮晉人許之禮也注善晉不奪孝子

之情晉侯以齊侯宴中行穆子相注穆子荀吳投壺

晉侯先穆子曰有酒如淮有肉如坻注淮水名坻山

名音義

淮舊如字四瀆水也學者皆以淮坻之韻不切云淮當為淮淮齊地水下稱澠亦是齊

國水也案澠是齊水齊侯稱之荀吳既非齊人不應
遠舉澠水古韻緩作淮足得無勞改也坻直疑反徐
直夷反詩云宛在水疏正義曰禮記有投壺之禮其
中坻坻水中高地也疏文無相者祝辭此中行穆子
與齊侯皆有言辭者投之中否似若有神故設為此
語或作投時皆有言語禮自不載之耳伯瑕責穆子
唯言壺何為焉其以中為僞責其失辭不云法不言
是投壺皆有言也凡宴不射即為投壺投壺之禮壺
去席二矢半司射執八算東面投壺如射三而止其
矢室中五扶堂上七扶庭中九扶鋪四指曰扶扶四
寸也算長尺二寸壺頸脩七寸腹脩五寸口徑二寸
半容斗五升壺中實小豆焉為其矢之躍而出也小
豆取滑且堅矢以拓若棘母去其皮取其堅且重也
舊說矢大七分注正義曰杜以淮為水名當謂四瀆
之淮也劉炫以為淮坻非韻淮當作澠又以坻為水
中之地以規杜氏今知不然者以古之為韻不甚要

切故詩云汎彼柏舟在彼中河髡彼兩髦實維我儀
又云為締為綌服之无斃儀河斃綌尚得為韻淮坻
相韻何故不可此若齊侯之語容可舉齊地淮水此
是穆子在晉何意舉齊地水乎又酒肉相對多少相
似案爾雅小洲曰渚小渚曰沚小沚曰坻何得以坻
之小地對淮之大水故杜以坻為山名劉炫又以山
無名坻者案楚子觀兵於坻箕之寡君中此為諸侯
山坻非山乎劉以此規杜失非也

師中之齊侯舉矢曰有酒如澠有肉如陵注澠水出

齊國臨淄縣北入時水陵大阜也音義

中丁仲反下及注同澠音

繩時如字本疏

注正義曰釋例云澠水出齊國臨淄縣北經樂安博昌縣南界西入時水

或作澠音同

釋地云大阜曰陵

寡人中此與君代興注代更也音義

更音庚

亦中之伯瑕謂穆子注伯瑕士文伯曰子失辭吾固

師諸侯矣壺何為焉其以中雋也注言投壺中不足

為雋異齊君弱吾君歸弗來矣注欲與晉君代興是

弱之音義

齊君弱吾君輕吾君以為弱也

穆子曰吾軍帥彊禦卒乘

競勸今猶古也齊將何事注言晉德不衰於古齊不

事晉將無所事音義

帥所類反禦魚呂反卒子忽反乘繩證反

公孫僂趨

進曰日旰君勤可以出矣以齊侯出注僂齊大夫傳

言晉之衰音義

僂素口反徐又所流反旰白但反

○楚子謂成虎若

教之餘也遂殺之注成虎令尹子玉之孫與鬬氏同

出於若教宣四年鬬椒作亂今楚子信譖而託討若

教之餘疏

正義曰經書熊傳言虎者此人名熊字虎傳言其字經書其名名字相覆猶伯魚名

鯉

或譖成虎於楚子成虎知之而不能行書曰楚殺

其大夫成虎懷寵也注解經所以書名○六月葬鄭

簡公注傳終子產辭享明既葬則為免喪經書五月

誤○晉荀吳偽會齊師者假道於鮮虞遂入昔陽注

鮮虞白狄別種在中山新市縣昔陽肥國都樂平沾

縣東有昔陽城音義

種章勇反沾張廉反韋昭音拈字林他廉反

疏注正義曰

宣十五年晉師滅赤狄潞氏十六年晉人滅赤狄甲氏及留吁成三年晉卻克衛孫良夫伐虜咎如傳曰討赤狄之餘焉是赤狄已滅盡矣知鮮虞與肥皆白狄之別種也杜以昔陽為肥國之都樂平沾縣東有昔陽城疑此為都也下注云鉅鹿下曲陽縣西南有肥累城復疑肥國取彼肥為名也劉炫以為齊在晉東偽會齊師當自晉而東行也假道鮮虞遂入昔陽則昔陽當在鮮虞之東也今案樂平沾縣在中山新市西南五百餘里何當假道於東北之鮮虞而反入西南之昔陽也既入昔陽而別言滅肥則肥與昔陽不得為一安得以昔陽為肥國之都也昔陽即是肥都何以復言鉅鹿下曲陽有肥累之城疑是肥名取於彼也肥為小國竟必不遠豈肥名取鉅鹿之城建都於樂平之縣也十五年荀吳伐鮮虞圍鼓杜云鼓

白狄之別鉅鹿下曲陽縣有鼓聚炫謂肥鼓竝在鉅鹿昔陽即是鼓都在鮮虞之東南也二十二年傳云晉荀吳使師偽糴者負甲以息於昔陽之門外遂襲鼓滅之則昔陽之為鼓都斷可知矣今杜以昔陽為肥國都是者以傳云遂入昔陽即云壬午滅肥是因入而滅之故云昔陽肥國都也昔陽既在樂平沾縣而杜又云鉅鹿下曲陽縣西南有肥累城相去遠者以肥是本封之名後遷於昔陽猶若杞國本都陳留後遷綠陵鄭本都京兆後遷虢鄆與此何異且昔陽今屬廉州去下曲陽道路非遠在中山南二百餘里劉炫自云肥之與鼓俱在曲陽足知肥累城與昔陽不甚縣絕劉意欲破杜乃云樂平沾縣在中山新市西南五百餘里又自云昔陽鼓國都與肥相近在中山東南是自相矛盾也然鮮虞在北昔陽在南所以得假道鮮虞遂入昔陽者荀吳意欲滅肥恐肥國防備故從晉之北竟偽欲東南而行往會齊師故先迴

路假道鮮虞南入昔陽如湯之放桀迂路從陲出其
不意故也自杜君土地例稱有者皆疑辭故杜云樂
平沾縣東有昔陽是疑而不定又且都縣移動古今
不一則晉時樂平沾縣何知不是古之昔陽但肥都
昔陽與鼓相近晉既滅得肥國故二十二年息昔陽
之門外遂襲鼓而取之昔陽非鼓都也劉意好異聞
妄規杜過非也秋八月壬午滅肥以肥子緜皐歸注肥白狄

也縣皐其君名鉅鹿下曲陽縣西南有肥累城為下晉

伐鮮虞起音義

皐古刀反累劣
彼反又力輒反

○周原伯綏虐其與

臣使曹逃注原伯綏周大夫原公也與衆也曹羣也

音義

綏古反疏注正義曰杜以原伯綏為周大夫甘
卯反簡公為周卿士此無明據以意言耳冬

十月壬申朔原輿人逐絞而立公子跪尋注跪尋絞

弟音義

跪求委反又音詭

絞奔郊注郊周也○甘簡公無子

立其弟過注甘簡公周卿士音義

過古禾反下之子過反

過將

去成景之族注成公景公皆過之先君音義

去起呂反

成

景之族賂劉獻公注欲使殺過劉獻公亦周卿士劉

定公子丙申殺甘悼公注悼公即過而立成公之孫

鮑注鮑平公音義

鮑音秋

丁酉殺獻太子之傅庚皮之

子過注過劉獻公太子之傅殺瑕辛于市及宮嬖綽

王孫沒劉州鳩陰忌老陽子注六子周大夫及庾過

皆甘悼公之黨傳言周衰原甘二族所以遂微○季

平子立而不禮於南蒯注蒯南遺之子季氏費邑宰

音義

蒯苦怪反
費音秘

南蒯謂子仲注子仲公子慙吾出季

氏而歸其室於公注室季氏家財子更其位注更代

也音義

更音庚
注同

我以費為公臣子仲許之南蒯語叔

仲穆子且告之故注穆子叔仲帶之子叔仲小也語

以欲出季氏以不見禮故音義

語魚據
反注同

季悼子之卒

也叔孫昭子以再命為卿注悼子季武子之子平子

父也傳言叔孫之見命乃在平子為卿之前及平子

伐莒克之更受三命注十年平子伐莒以功加三命

昭子不伐莒亦以例加為三命疏

正義曰悼子之卒不書於經則是未

為卿也其卒當在武子之前平子以孫繼祖武子卒後即平子立也傳言悼子卒者欲見昭子為卿遠在

平子之先注正義曰十年平子伐莒名書於經即平子於時已為卿矣釋例曰魯之叔孫父兄再命而書

於經晉司空亞旅一命而經不書推此知諸侯之卿大夫再命以上皆書於經自一命以下大夫及士經

皆稱人名氏不得見也劉賈云春秋之序三命以上乃書於經顏氏以為再命稱人傳云叔孫昭子三命

踰父兄昭公十年昭子始加三命先此叔孫皆自見
經知所書皆再命也是杜檢傳文知再命書名平子
伐莒書名知其已再命矣平子伐莒克之昭子不伐
莒也昭子無功而更受三命知平子以功加三命昭
子以例加叔仲子欲構二家注欲構使相憎謂平子
為三命也

曰三命踰父兄非禮也注言昭子受三命自踰其先

疏

注正義曰禮記文王世子云其朝于公內朝庶
子治之雖有三命不踰父兄鄭玄云治之治公

族之禮也唯於內朝則然其餘會聚之事則與庶姓
同一命齒于鄉里再命齒於父族三命不齒不齒者
不在父兄行列中也彼言三命不踰父兄者自謂在
公內朝位在父兄下耳非謂不得受三命踰父兄也
叔仲子欲構二家因禮有三命不踰父兄之法遂言
昭子受三命自踰其先人以此為非禮也平子初得

其言不甚曉解故使昭子令自貶黜見昭子不服乃
自知其非故懼而歸罪於叔仲子也昭子無兄叔仲
子引禮法連言之耳平子曰然故使昭子注使昭子自貶黜昭

子曰叔孫氏有家禍殺適立庶故嫡也及此注禍在

四年音義適丁歷反若因禍以斃之則聞命矣注言因亂

討己不敢辭若不廢君命則固有著矣注著位次昭

子朝而命吏曰嫡將與季氏訟書辭無頗注頗偏也

音義頗普何反季孫懼而歸罪於叔仲子故叔仲小南蒯

公子慙謀季氏慙告公而遂從公如晉注慙子仲南

蒯懼不克以費叛如齊子仲還及衛聞亂逃介而先

注介副使也音義

介音界使所吏反

及郊聞費叛遂奔齊注

言及郊解經所以書出疏

注正義曰凡言出奔皆自內而出文七年晉先蔑奔

秦先在秦地因即奔秦故不言出也歸父還自晉至筌遂奔齊筌在魯之竟外故不言出也此言及郊已入魯竟傳言及郊

南蒯之將叛也其鄉人或知之過

解經所以書出

之而歎注鄉人過蒯而歎且言曰恤恤乎湫乎攸乎

注恤恤憂患湫愁隘攸懸危之貌音義

湫子小反徐又在酒反一

音秋攸如字徐以帚反隘疏注正義曰釋詁云恤憂於賣反懸音玄本又作縣

意也湫是湫隘故以湫為愁隘之意也詩云攸攸施旌故以攸為懸之貌也言南蒯之心若此深思

而淺謀邇身而遠志家臣而君圖注家臣而圖人君

之事故言思深而謀淺身近而志遠音義

思息嗣反注同

疏

正義曰深思而淺謀思慮深而知計淺言其知小而謀大也邇身而遠志身卑近而志高遠言其越分以求通也家臣而君圖為家臣而謀君事言其非已所當為也上二句言其心下一句指其事為下句而發上句故注

有人矣哉注言今有此人微以戒之南蒯

倒言之

枚筮之注不指其事汎卜吉凶音義

枚武回反汎芳飲反疏正義

曰禮有銜枚所銜之木大如箸也今人數物云一枚兩枚是籌之名也尚書大禹謨舜禪禹禹讓不受請

帝枚卜功臣惟吉之從孔安國云枚謂歷卜之而從其吉彼謂人下一籌使歷卜之也此則不告筮者以所筮之事空下一籌而使之筮故杜云不指其事汎卜吉凶也或以為杜云汎卜吉凶謂枚雷總卜則禮云無雷同是總衆之辭也今俗語云枚雷則其義理或然也

遇坤



注坤上坤

下坤音義

坤苦門反

之比



注坤下坎上比坤六五爻

變音義

比毗志反注同

曰黃裳元吉注坤六五爻辭以為大

吉也示子服惠伯曰即欲有事何如惠伯曰吾嘗學此矣忠信之事則可不然必敗外強內溫忠也注坎

險故強坤順故溫強而能溫所以為忠疏

正義曰筮遇此爻而

辭云黃裳元吉南蒯自以為所謀之事必大吉注正義曰坎象云習坎重險是坎為險也說卦云坤順也六五爻變則上體為坎坎有險難故為剛強也坤道和順故為溫柔也剛強以禦難柔順以事主故外強而能內溫所以為忠也

和以率貞信也注水和而土安正和正

信之本也疏

注正義曰坎為水水性柔和柔坤為土土性安正率循也貞正也用和柔之性以

循安正道既和且正信之本故為信也

故曰黃裳元吉疏

正義曰天下之事雖則萬

端總之諸法大歸忠信而已能忠能信無施不可以有忠信故曰黃裳元吉解此文辭之意

黃中

之色也裳下之飾也元善之長也中不忠不得其色

注言非黃音義

長丁反

下不共不得其飾注不為裳事

不善不得其極注失中德疏

注正義曰極訓為中不得其中言其失中德也

此文以上二句類之當云善不極不得為長文不然者惠伯之語雖反覆相疊不可字字相對隨便而言

故與上不類

外內倡和為忠注不相違也音義

倡昌亮反和戶卧反

率事以信為共注率猶行也疏

注正義曰率訓循循而行故率猶行也

供養三德為善注三德謂正直剛克柔克也音義

供九

用反養

疏

注正義曰洪範三德一曰正直二曰剛克三曰柔克孔安國云正直者能正人之曲

直剛克者剛能立事柔克者和柔能治三者皆人之性也剛則失之於強柔則失之於弱故貴其能剛能柔謂剛不苛酷柔不滯溺也供養三德為善者剛則抑之柔則進之以志意供給長養之使合於中道各

成其德乃為善也董過注本為共
養解云盡共所以養成三德也

非此三者弗當注

非忠信善不當此卦音義

或當如字注同

疏

正義曰既言爻為此

辭之意又解此辭所言之義也五方則為五色黃是
中央之色也衣裳所以飾身裳是在下之飾也元者
始也首也於物為初始於人為頭首元是諸善之長
也五方之中猶人之心心中不忠則不得其黃之
色也身體之下猶名位之下為下不共則不得其裳
之飾也舉事不善則不得其善之中言為事不中則
非善之長也更覆言忠共善三者之義外內倡和為
忠言君在內臣在外君倡臣和不相乖違是名為忠
也行事以信無有虛詐是名為共也人之為德有正
直剛柔供養此三者之德使其德無愆乃名為善也
非此三者忠也共也善也則於此
卦不當也不當此卦雖吉不可

且夫易不可以占

險將何事也且可飾乎注夫易猶此易謂黃裳元吉

之卦問其何事欲令從下之飾音義

夫音扶注同令力呈反

疏

正義曰且夫易謂此黃裳元吉之易也唯可以占忠信之事不可以占危險之事也問南蒯今將欲為何事也且可飾乎言此易所占唯且可為在下之飾乎不可為餘事也中美能黃忠則黃也上美為元善則元也下美則裳共則裳也忠善共三者皆成可知此筮之言吉也三者猶有所闕筮雖吉未可用也注正義曰惠伯指論此卦而言夫易非是漫言易故知夫易猶言此易謂此黃裳元吉之易卦也險謂危險言此卦不可以占危險之事心疑南蒯事險故問將何事也且可為下之飾也欲令南蒯從下之飾為共

中美能黃上美為元下美則裳參成可筮注參美盡

備吉可如筮音義

參七南反又音三

猶有闕也筮雖吉未也

注有闕謂不參成將適費飲鄉人酒注南蒯自其家

還適費音義

飲於鵠反

鄉人或歌之曰我有圃生之杞乎

注言南蒯在費欲為亂如杞生於園圃非宜也杞世

所謂枸杞也音義

圃布古反杞音紀枸音苟本又作狗

從我者子乎注

子男子之通稱言從己可不失今之尊音義

稱尺證反

去

我者鄙乎倍其鄰者恥乎注鄰猶親也音義

倍音佩

已

乎已乎非吾黨之士乎注已乎已乎言自遂不改疏

正義曰鄉人以南蒯季氏家臣而欲反害季氏故為歌以感切之也圖者所以殖菜蔬也杞非可食之物

我有圖生之杞以喻南蒯在費欲為亂也若能從我之言不為亂者是為子也子者男子之美稱不失尊

貴得為子也去我而背叛者鄙賤之行也倍其隣近者恥惡之事也若己乎己乎自遂其心不肯改者則

不復是吾黨之士乎釋木云杞拘榼舍人曰拘杞也注正義曰杜此解原南蒯之意蒯若云此事己乎己

乎自遂其心如不肯改則此南蒯非復是吾黨之士也服虔云已矣決絕之辭則謂歌者自言己意可已

乎已乎此南蒯今平子欲使昭子逐叔仲小注欲以己非是吾黨之士

自解說小聞之不敢朝昭子命吏謂小待政於朝曰

吾不為怨府注言不能為季氏逐小生怨禍之聚為

明年叔弓圍費傳音義

為季于偽反下同

○楚子狩于州來

注狩冬獵也音義

狩本亦作守同手又反注同

次于潁尾注潁水

之尾在下蔡使蕩侯潘子司馬督囂尹午陵尹喜帥

師圍徐以懼吳注五子楚夬夫徐吳與國故圍之以

偁吳音義

潘普干反督音篤本亦作

楚子次于乾谿

注在譙國城父縣南以為之援雨雪王皮冠秦復陶

注秦所遺羽衣也音義

援于眷反雨于付反王皮冠一本作楚子皮冠復音服一

音福陶徒刀反遺唯季反

疏

注正義曰文在冠下鳥上知是衣也以秦明是秦所遺也冒雪服之

知是毛羽之衣
可以禦雨雪也

翠被注以翠羽飾被音義

被音義反
注及下同

豹舄注以豹皮為履音義

音義

舄音義
執鞭以出注執鞭以

教令音義

鞭必縣反又或革旁
作更者五孟反非也

僕析父從注楚大夫

音義

析星歷反
從牙用反

疏

正義曰釋鳥云翠鸛樊光云青出
交州李巡曰其羽可以飾物郭璞

曰似燕紺色生鬱林鄭子臧好鸛冠以此鳥之羽飾
冠劉炫以為僕析父從右尹子革夕見於王為下與

革語張本以規杜令知不然者若僕析父共子革二
人同時見王王與之語則二人並在子革獨對傳應
云子革對曰不得直云對故杜以為右尹子革
將夕故下即云對事理分明劉妄規杜過非也
右尹

子革夕注子革鄭丹夕莫見音義

莫音暮見
賢遍反

王見之

去冠被舍鞭注敬大臣音義

去起呂反
舍音捨

與之語曰昔

我先王熊繹注楚始封君音義

繹音

疏

注正義曰此
與呂伋王孫

年燹父禽父杜所注者皆是世家文也燹父
禽父亦王孫傳於年言王孫燹禽亦蒙之

與呂伋

注齊太公之子丁公音義

級音急本
亦作伋

王孫牟注衛康

叔子康伯燹父注晉唐叔之子音義

燹素協反父
音甫下同

禽

父注周公子伯禽竝事康王注康王成王王子四國皆

有分我獨無有注四國齊晉魯衛分珍寶之器音義

分扶問反下
及注皆同

疏

注正義曰書序云武王既勝殷邦諸
侯班宗彝作分器旅燹云明王慎德

四夷咸賓無有遠邇畢獻方物惟服食器用王乃昭
德之致于異姓之邦無替厥服分寶玉於伯叔之國
時庸展親魯語云古者分同姓以珍玉展親也分異
姓以遠方之職貢使無忘服也是言諸侯皆得天子
之分器也定四年傳稱分魯公以夏后氏之璜封父
之繁弱分康叔以大呂之鍾分唐叔以密須之鼓闕
鞏之甲姑洗之鍾其齊今吾使人於周求鼎以為分
之所得則無以言之

王其與我乎對曰與君王哉昔我先王熊繹辟在荆

山注在新城沔鄉縣南音義

辟匹亦反沔音市又音示

筭路藍縷

以處草莽跋涉山林以事天子唯是桃弧棘矢以共

禦王事注桃弧棘矢以禦不祥言楚在山林少所出

有音義

華音必蓋力甘反縷力主反莽武黨反跋蒲未反共音恭禦魚呂反

齊王舅也

注成王母齊太公女晉及魯衛王母弟也楚是以無

分而彼皆有今周與四國服事君王將唯命是從豈

其愛鼎王曰昔我皇祖伯父昆吾舊許是宅注陸終

氏生六子長曰昆吾少曰季連季連楚之祖故謂昆

吾為伯父昆吾嘗居許地故曰舊許是宅音義

長丁丈反

少詩照反嘗一

疏

注正義曰楚世家云陸終生子六人拆剖而產焉一曰昆吾二曰參

胡三曰彭祖四曰會人五曰曹姓六曰季連季連芊姓楚其後也昆吾是楚之遠祖之兄也舊許是宅昆

吾嘗居許地許既南遷故云舊許是宅其地此時屬鄭故云鄭人貪賴其田而不我與哀十七年傳衛侯夢見人登昆吾之觀北面而譟曰登此昆吾之墟杜云今在濮陽城中蓋昆吾居此二處未知孰為先後也

今鄭人貪賴其田而不我與我若求之其與我乎

對曰與君王哉周不愛鼎鄭敢愛田王曰昔諸侯遠我而畏晉今我大城陳蔡不羹賦皆千乘子與有勞

焉諸侯其畏我乎對曰畏君王哉是四國者專足畏

也注四國陳蔡二不羹音義

遠于万反羹音郎疏

注正

義曰劉炫以為楚語云靈王城陳蔡不羹使僕夫子暫問於范無宇曰今吾城三國賦皆千乘亦當晉矣

諸侯其來乎對曰是三城者豈不使諸侯之惕焉彼再言三城無四國也縱使不羹有二或當前後遷焉非是竝有二也炫謂古四字積畫四當為三以規杜過今知不然者以三之與四古雖積畫錯否難知但今諸儒所注春秋傳本竝云四國無作三者國語是不傳之書何可執以為真而攻左氏劉雖有所規未可從也又加之以楚敢不畏君王哉工尹路請曰君王

命剝圭以為鉞秘注鉞斧也秘柄也破圭玉以飾斧

柄音義

剝邦角反鉞音戚秘音秘

疏

正義曰斧柯長三尺和氏之玉長一尺二寸圭玉非為斧

柄之物故知破之為飾

敢請命注請制度之命王入視之析父

謂子革吾子楚國之望也今與王言如響國其若之

何注譏其順王心如響應聲音義

響許丈反應應對之應

子革

曰摩厲以湏王出吾刃將斬矣注以己喻鋒刃欲自

摩厲以斬王之淫慝音義

慝他得反

王出復語左史倚相

趨過注倚相楚史名音義

復扶又反倚於綺反徐其綺反相息亮反

王曰

是良史也子善視之是能讀三墳五典八索九丘注

皆古書名音義

墳扶云反索所白反本又作索

疏

注正義曰孔安國尚書序云伏犧神

農黃帝之書謂之三墳言大道也少昊顓頊高辛唐虞之書謂之五典言常道也八卦之說謂之八索求

其義也九州之志謂之九丘丘聚也言九州所有土地所生風氣所宜皆聚此書也楚左史倚相能讀三

墳五典八索九丘即謂上世帝王遺書也周禮外史掌三皇五帝之書鄭玄云楚靈王所謂三墳五典是也賈逵云三墳三王之書五典五帝之典八索八王之法九丘九州亡國之戒延篤言張平子說三墳三禮禮為人防爾雅曰墳大防也書曰誰能典朕三禮三禮天地人之禮也五典五帝之常道也八索周禮八議之刑索空空設之九丘周禮之九刑丘空也亦空設之馬融說三墳三氣陰陽始生天地人之氣也五典五行也八索八卦九丘九州之數也此諸家者各以意言無正驗杜所不信故云皆古書名耳對曰臣嘗問焉昔穆王欲肆其心注周穆王肆極也周行天下將皆必有車轍馬跡焉祭公謀父作祈招之詩以止王心注謀父周卿士祈父周司馬世掌甲兵

之職招其名祭公方諫遊行故指司馬官而言此詩

逸音義

周行如字又下孟反轍直列反祭疏注正義側界反招常遙反又音昭父音甫疏曰尚書

酒誥云若疇圻父是祈父為官名也詩小雅有祈父之篇其詩云祈父子王之爪牙胡轉子于恤毛傳云

祈父司馬也職掌封祈之甲兵鄭箋云此司馬也時人以其職號之故曰祈父杜用彼說故云祈父司馬

世掌甲兵之職也祈既是官故以招為其名謂穆王之時有司馬之官其名曰招也祭公方諫遊行故指

司馬官而為言也賈逵云祈求也昭明也言求明德也馬融以圻為王圻千里王者遊戲不過圻內昭明

也言千里之內足明德王是以獲沒於祇宮注獲沒不見篡弑

音義

祇音支又音祈篡初患反弑申志反疏正義曰馬融云圻內遊觀

離宮之名也

臣問其詩而不知也若問遠焉其焉能知之

王曰子能乎對曰能其詩曰祈招之悵悵式昭德音

注悵悵安和貌式用也昭明也音義

焉能於虔反悵悵一心反徐於

林反思我王度式如玉式如金注金玉取其堅重形民

之力而無醉飽之心注言國之用民當隨其力任如

金治之器隨器而制形故言形民之力去其醉飽過

盈之心音義

治音也去起呂反

疏

正義曰穆王之時有祈父官名招即是司馬官也職

掌兵甲常從王行祭公諫王遊行設言以戒司馬也言祈招之悵悵美其志性安和悵悵然也女當用此

職掌以明我王之德音也思使我王之德度用如玉
 然用如金然使之堅而且重可寶愛也若用民力當
 隨其所能而制其形模依其形模用民之力而無有
 醉飽盈溢之心也以王之遊行必勞損民力故令依
 法用之注正義曰言國之用民當隨其力任量其力
 之所堪而任用之不使勞役過其所堪也如金治之
 器隨器而制形者鑄治之家將作器而制其模謂之
 為形今代猶名焉用民之力依模用之故言形民之
 力也食充其腹謂之飽酒卒其量謂之醉醉飽者是
 酒食饜足過度之名也穆王用民之力不知饜足故
 令去其醉飽
 過盈之心
 王揖而入饋不食寢不寐數日注深感

子革之言音義

饋其位反
數所主反

不能自克以及於難注克

勝也音義

難乃旦反勝升
證反又音升

仲尼曰古也有志克己復

禮仁也信善哉楚靈王若能如是豈其辱於乾谿疏
正義曰劉炫云克訓勝也已謂身也有嗜慾當以禮
義齊之嗜慾與禮義交戰使禮義勝其嗜慾身得歸
復於禮如是乃為仁也復反也言情為嗜慾所逼已
離禮而更歸復之今刪定云克訓勝也已謂身也謂
身能勝去嗜慾
反復於禮也
○晉伐鮮虞因肥之役也注肥役在
此年

春秋左傳注疏卷四十五

春秋左氏傳注疏卷四十五考證

傳魏駘芮岐畢吾西土也注駘在始平武功縣所治釐

城○臣召南

按后稷封郃故詩曰即有郃家室其地

即漢右扶風之釐縣釐即郃字故師古注曰讀與郃

同音台也各本作釐城誤讀陸氏音義知自唐時已

然矣又按杜注謂在夏世以后稷功受此五國為西

土之長此語微覺未檢周于夏世安得境土東至河

東之魏乎傳舉后稷以至文王舉夏初以至商末故

言五國皆封內耳

又疏昔我先世后稷○

臣照

按後世以后稷為棄不

知后稷虞官非獨弃也自棄以後世守其官及夏之
衰棄稷不務乃失其官而自竄于戎翟之間故國語
云昔我先王世后稷以服事虞夏言周先王世為后
稷之官也鄭康成詩譜亦稱先王世后稷後人妄刪
王字遂似后稷云者專指棄而言今此疏亦無王字
知唐時已訛脫矣如無王字則是專指弃言及夏之

衰弃稷弗務與不窋何與何以自窋于戎翟之間耶
又周本紀以不窋為后稷之子蓋馬遷以不窋以上
無可考遂謂不窋為后稷之子其實不窋若為弃子
者夏歷四百年其衰也即據中興以前論亦歷年孔
久不應弃子猶在人世殆俱臆說耳

傳巴濮楚鄧吾南土也疏唯濮為遠夷耳○臣召南按
武王伐商微盧彭濮與庸蜀羌髳竝會則周初聲教
遠及西南濮人早從義師矣

傳而楚所相也疏卷章生犁犁為高辛氏火正○

臣浩

按此用楚世家文楚世家作卷章生重黎重黎為高

辛居火正

臣照

按孔穎達用楚世家文而去重字蓋

重黎二人又有以重黎為一人者孔氏斷從二人也

又以黎作犁古字本通

傳妃以五成故曰五年○

臣召南

按此傳之注及疏皆

原本劉歆春秋說按五行志曰天以一生水地以二
生火天以三生木地以四生金天以五生土五位皆

以五而合而陰陽易位故曰妃以五成然則水之大數六火七木八金九土十故水以天一為火二牡木以天三為土十牡土以天五為水六牡火以天七為金四牡金以天九為木八牡陽奇為牡陰耦為妃故曰水火之牡也火水妃也於易坎為水為中男離為火為中女蓋取諸此也又按下文歲五及鶉火杜亦全用歆說臣照按歲五及鶉火當六十年而云五十二年者包遲留伏逆而約略計之也

傳孟僖子如齊殷聘禮也疏主人不延几○臣浩按聘禮原文作主人不筵几各本俱誤今仍之

季孫意如叔弓仲孫貜帥師伐莒○萬斯大學春秋隨筆曰時止二軍季之一軍已為將而叔弓為佐偏師而出則迭將之悉師以行則同帥之二子之一軍不分將佐而各主其偏或專行或竝出不相隸也專恣如此于公何有哉春秋自此于諸卿竝將悉書深著其無君之罪也

傳齊惠樂高氏皆耆酒疏齊惠公一段○各本俱誤刊
于下文遂伐虎門之下又多誤字如齊惠公生公子
樂生字下脫公字又子旗是樂孫子良是高孫脫二
子字又孫以王父字為氏為氏之上衍王父字三字
遂不可解今竝改正

傳始用人於亳社○趙汭補注曰不書諱國惡

傳葬平公也○趙汭補注曰傳記鄭伯往弔又因叔孫
如晉併記十一國大夫會葬見晉雖失政諸侯猶畏

其強

楚子虔誘蔡侯般殺之于申○臣浩按此春秋書法所

以深惡楚虔也杜注謂蔡大夫以楚子名告不亦迂乎

傳視下言徐○漢書五行志注應劭曰視下視不登帶言徐不聞於表著

傳臣聞五大不在邊五細不在庭○臣召南按杜解五

大引古五官與傳上文所引子元管仲不類疏中引

賈逵鄭衆之說於傳相合勝於杜注

傳及游氏之廟○顧炎武日知錄曰此傳與十八年傳簡兵大蒐將為蒐除子太叔之廟在道南其寢在道北其庭小過期二日使除徒陳于道南廟北曰子產過女而命速除乃過于南鄉子產朝過而怒之除者南毀子產及衝使從者止之曰毀於北方此亦一事而記者或以為葬或以為蒐傳兩存之而失刪其一耳臣召南按宋儒劉敞已謂此兩傳實一事說者不

同丘明兩記之

傳遂入昔陽疏昔陽今屬廉州○臣召南按唐志廉州

武德元年置貞觀元年省屬鎮州或疑廉州字誤非也

傳已乎已乎疏釋木云杞枸榘舍人曰向杞也○推尋文義應作枸杞也

傳翠被豹舄○王應麟困學記聞曰楚之興也筭路藍縷其衰也翠被豹舄國家之興衰視其儉侈而已

傳對曰與君王哉○臣召南按此子革語也楚世家作析父對曰讀左傳而誤者也

傳古也有志克己復禮仁也○王應麟困學紀聞曰或謂二語古人所傳非出于仲尼胡致堂云夫子以克己復禮為仁非指克己復禮即仁也國語胥臣曰出門如賓承事如祭仁之則也蓋左氏粗聞闕里諸言每每引用而輒有更易穆姜于隨舉文言亦此類臣照按國語曰教之語語者先聖先師之嘉語也魯論

顏子曰請事斯語冉子曰請事斯語知此皆非孔子
自言皆述古語也故曰請事斯語王應麟不本左氏
以解魯論轉因魯論以疑左氏非也

春秋左氏傳注疏卷四十五考證

謹按第一頁後七行疏猶晉之梁山沙鹿崩不書
晉也刊本監本毛本下晉字脫據宋本增

第三頁後七行疏汝水之南地諸本地訛也據宋
本改

第十一頁前八行疏楚卒滅陳諸本滅訛城據宋
本改

第十三頁前一行注職在外故主視諸本在訛為
據宋本改

第十六頁前二行疏或由傳寫誤諸本由訛可據

宋本改

第二十六頁前一行傳三月丙申諸本三訛五據

宋本改

第二十八頁後七行注歲在大梁諸本在訛為據

宋本改

第三十頁前二行傳衣有禮刊本禮訛繪今改

第三十一頁前二行注忌畏也諸本訛作畏忌也

據宋本改

第三十九頁後四行疏即為投壺諸本即訛是據
宋本改

後五行疏投壺如射諸本訛作壺投如射據宋本
改

第四十頁前一行疏汎彼栢舟刊本汎訛汎今改
第四十二頁前一行疏在鮮虞之東南也諸本之
訛以據宋本改

前五行疏且昔陽今屬廉州諸本且訛耳據宋本
改

後五行注曲陽縣西南有肥累城諸本脫南字據
宋本增

第四十六頁前六行疏故注倒言之諸本倒訛例
據宋本改


第四十九頁前三行注南蒯自其家還適費諸本
還訛遷據宋本改

後四行疏枸杞也諸本拘訛向據宋本改

第五十四頁前八行注周卿士諸本土訛也據宋

本改

後二行音義招常遙反刊本遙訛進今改



覆校官檢討臣李學錦

校對官檢討臣郭寅

謄錄監生臣劉震